

**Հաստատված է**

**Երևանի պետական համալսարանի Իջևանի մասնաճյուղի  
գիտական խորհրդի 2017թ. ապրիլի 8-ի թիվ 23 նիստում**

**ԵՊՀ ԻՄ գիտական խորհրդի նախագահ \_\_\_\_\_ Ս. Ա. Առաքելյան**

**ԿԱՆՈՆԱԿԱՐԳ**

**ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԻՋԵՎԱՆԻ ՄԱՍՆԱՃՅՈՒՂԻ  
ՄԵԹՈԴԱԿԱՆ ԽՈՐՀՐԴԻ**

**1. ԸՆԴՀԱՆՈՒՐ ԴՐՈՒՅԹՆԵՐ**

1. Սույն կանոնակարգը սահմանում է Երևանի պետական համալսարանի Իջևանի մասնաճյուղի (այսուհետ՝ ԵՊՀ ԻՄ) մեթոդական խորհրդի իրավասությունը, ձևավորման և աշխատանքի կազմակերպման կարգը:

2. ԵՊՀ ԻՄ մեթոդական խորհուրդը տնօրենին կից խորհրդակցական մարմին է, որի գործունեությունն ուղղված է ԵՊՀ ԻՄ-ում տարվող ուսումնական և ուսումնամեթոդական աշխատանքների պատշաճ իրականացմանը:

3. Մեթոդական խորհուրդն իր գործունեությունն իրականացնում է ԵՊՀ ԻՄ կանոնադրությանը, ԵՊՀ ԻՄ ներքին իրավական ակտերին և սույն կանոնակարգին համապատասխան:

**2. ՄԵԹՈԴԱԿԱՆ ԽՈՐՀՐԴԻ ԽՆԴԻՐՆԵՐԸ**

4. Մեթոդական խորհրդի խնդիրներն են՝

- 1) ԵՊՀ ԻՄ զարգացման ռազմավարական ծրագրի կրթական խնդիրների իրականացման մշտադիտարկումը,
- 2) ֆակուլտետային մեթոդական խորհուրդների աշխատանքների մշտադիտարկում,
- 3) ուսումնական գործընթացի կազմակերպումը կանոնակարգող ներմասնաճյուղային իրավական ակտերի մշակումն ու վերանայումը,
- 4) կրթական ծրագրերի քննարկումը,
- 5) բակալավրիատի և մագիստրատուրայի ընդունելության պլանավորումը,
- 6) դասավանդման որակի և արդյունավետության վերաբերյալ ուսանողների և ստացած կրթությունից շրջանավարտների բավարարվածության վերաբերյալ հարցումների մշտադիտարկումը,
- 7) ԵՊՀ ԻՄ ներքին իրավական ակտերով սահմանված և ԵՊՀ ԻՄ հիմնական գործունեության հետ կապված այլ խնդիրների իրականացումը:

### **3. ՄԵԹՈԴԱԿԱՆ ԽՈՐՀՐԴԻ ԿԱՌՈՒՑՎԱԾՔԸ ԵՎ ԱՇԽԱՏԱԿԱՐԳԸ**

5. Մեթոդական խորհրդի կազմում ընդգրկված են ԵՊՀ ԻՄ ուսումնամեթոդական վարչության պետը, մասնագիտական կրթության որակի ապահովման բաժնի վարիչը և ներկայացուցիչներ տարբեր մասնագիտական ոլորտներից: Մեթոդական խորհրդի անվանական կազմը հաստատում է մասնաճյուղի տնօրենը՝ երեք տարի ժամկետով:

6. ԵՊՀ ԻՄ մեթոդական խորհուրդը հարցերը քննարկում է ԵՊՀ ԻՄ զարգացման ռազմավարական ծրագրին համապատասխան՝ ԵՊՀ ԻՄ տնօրենի առաջարկով, ԵՊՀ ԻՄ գիտական խորհրդի որոշմամբ կամ սեփական նախաձեռնությամբ:

7. Մեթոդական խորհուրդը հարցերը քննարկում է իր նիստերում, որոնք անցկացվում են աշխատանքային ծրագրին համապատասխան կամ ըստ անհրաժեշտության, բայց ոչ պակաս, քան ամիսը մեկ անգամ:

8. Մեթոդական խորհրդի նիստերն իրավագոր են խորհրդի անդամների երկու երրորդի ներկայության դեպքում: Խորհրդի նիստերն արձանագրվում են:

9. Մեթոդական խորհուրդն առաջարկություններ և եզրակացություններ է ներկայացնում տնօրենին կամ ԵՊՀ ԻՄ գիտական խորհրդին:

10. Մեթոդական խորհրդի կողմից կազմված փաստաթղթերը և եզրակացությունները հաստատվում են նիստին ներկա անդամների ձայների պարզ մեծամասնությամբ: Ձայների հավասարության դեպքում խորհրդի նախագահն ունի վճռորոշ ձայնի իրավունք:

#### **4. ԵԶՐԱՓԱԿԻՉ ԴՐՈՒՅԹՆԵՐ**

11. Մեթոդական խորհրդի վերակազմակերպումը կամ լուծարումն իրականացվում է ԵՊՀ ԻՄ կանոնադրությամբ և ներքին իրավական ակտերով սահմանված կարգով:

12. Սույն կանոնակարգի մեջ փոփոխություններն ու լրացումները կատարվում են ԵՊՀ ԻՄ կանոնադրությամբ և ներքին իրավական ակտերով սահմանված կարգով: